


Ny Baiboly ho an'ny ankizy
dia manolotra



Fotoana
sarotra ho
an'i Jesoa



Nosoratan'i: Edward Hughes

Sarin'i: Byron Unger; Lazarus

Nampifanarahin'i: M. Maillot; Sarah S.

Alastair Paterson

Nadikan'i: Fikambanana "Ndao mba hiaraka aminay"
na association "Allons ensemble" FJKM Nazareta
Amborovy Mahajanga Madagascar

Novokarin'i: Bible for Children
www.M1914.org

©2020 Bible for Children, Inc.

Azo atao ny fandikana na fakana ity tantara ity
nefa tsy ho amin'ny fitadiavam-bola.



Rehefa natao
batisa i Jesoa,
dia niteny
Andriamanitra
nanao hoe:
"Ity no Zanako
malalako, Izay
sitirako."



Ary ny
FANAHY
MASIN'
Andriamanitra
nidina
teo amin'ny
Jesoa toy ny
voromailala.



Fotoana vitsy tao
aorian'izay, dia nentiny
Fanahy ...



... Masin'Andriamanitra
tany an'efitra i Jesoa.
Ka nitoka-monina
tany.



Nifady hanina efa-polo
andro Jesoa. Izany hoe tsy
nisakafo izy nandritra ny
efa-polo andro.



Koa nony afaka izany,
dia noana mafy izy.



Ny Baiboly milaza fa nisy
bibidia maro be koa tao
amin'io toerana io.



Ary Satana tonga haka
fanahy an'i Jesoa.
Fahiny ela be, izy
dia efa naka
fanahy ...



... an'i Adama sy i Eva
koa ka nahatonga azy
ireo tsy nanaraka ny
tenin'Andriamanitra.



Tamin'ity indray mandeha
ity dia i Jesoa indray
no handramany
hotsapaina.



Satana dia afaka
nanandrana naka
fanahy an'i Jesoa,
zanak'
Andriamanitra.




"Raha
Zanak' Andriamanitra
tokoa Hianao", hoy
Satana, "teneno ho
tonga mofo ireto vato
ireto."




Satria fantany fa
noana i Jesoa.



Ary fantany koa fa ny zanak'Andriamanitra dia mahay manova ny vato ho mofy. Hanaraka ny tenin'i devoly ve i Jesoa?



Tsia! Tsy nankato ny devoly i Jesoa.
Vao maika aza Izy namaly tamin'Ilay
Tenin' Andriamanitra
manao hoe:



"Tsy ny mofo ihany no
hiveloman'ny olona."



Rehefa afaka izany, dia nentin'i
Satana tany amin'ny tanànan'i
Jerosalema i Jesoa, ...



... tao amin'ny Tempoly
Masina izay hivavahan'ny olona
amin'Andriamanitra.



Inona indray ary no
hataon'ny devoly eto?



"Raha Zanak' Andriamanitra Hianao,
mianjerà any ambany any" hoy
Satana; "fa voasoratra hoe:
Izy handidy ny anjelyny
hanavotra anao."



"Tsia" hoy Jesoa namaly.



"Fa voasoratra ihany koa hoe ... Aza
maka fanahy an'i Jehovah
Andriamanitrao'."









Ary ny devoly nitondra
Azy indray, ka nentiny tany
ivelan'ny tanàna i Jesoa, teny
ambony tendrombohitra
avo dia avo iray.



Rehefa avy nasehon'i
Satana an'i Jesoa ny
fanjakana rehetra
eran-tany, mbamin'ny
voninahiny, dia
hoy izy:



"Izao rehetra izao
dia homeko Anao,
raha miankohoka
eto anatrehako
Hianao."



"Mandehana ianao, ry Satana!"
hoy Jesoa tezitra.




"fa voasoratra hoe: Jehovah
Andriamanitrao no hiankohofanao,
ary Izy irery ihany no
hotompoinao."



Dia nandao
an'i Jesoa ny
devoly. Nisy
zavatra
mahafinaritra
be niseho
nony avy
eo.



Ary Andriamanitra
nandefa Anjely
hampahery sy
hikarakara an'i
Jesoa zanany
- izay tsy
nankàto sy
tsy nihaino
ny devoly.



Fotoana sarotra ho an'i Jesoa
Tantaran'ny Tenin'Andriamanitra,
ny Baiboly,

Tao amin'ny bokin'ny

Matio 4, Lioka 4

"Ny fanambaràn'ny teninao dia
manazava." Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.



Raha te-hibebaka hiala
amin'ny fahotanao ianao, dia izao
no afaka lazainao amin'Andriamanitra:
Ry Andriamanitra ô, mino aho fa maty ho ahy
Jesosy, ary velona Izy ankehitriny. Miangavy
Anao aho, Tompo ô, midira ao amin'ny fiainako,
ary mamelà ny heloko, mba hahazoako fiainan-
baovao, ary ho avy ny andro handehanao eny
Aminao ho mandrakizay. Ampio aho ho velona
ao aminao, tahaka ny Zanakao. Amena.

Vakio ny Baiboly ary miresaha
amin'Andriamanitra isan'andro!
Jaona 3.16

